

Date – 12/02/2026

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

1. Chief Minister Pu Lalduhoman Mizoramin dehchhuah a neih a, hnathawh tur a lo pun theih nan thalai theihna leh thiamna nei tha tak takte chawikan an tum a ti.
2. Kum khata vawi khat India hmarchhak fangkual tura siam, Bharat Gaurav Train “North East Discovery Tour” chuan vawiin khan Sairang Railway Station a lo thleng.
3. Prime Minister Narendra Modia chuan Unin Finance Minister Nirmala Sitharamanin budget chungchanga a thusawi a fak.
4. Union Minister of State for Power, Shirpad Yesso Naik chuan India chu kawlpheha mamawh zat tlachham ram atangin mamawh aia tam siamchhuak ah a inlet tawh a ti.

<><><>

CM

Chief Minister Pu Lalduhoman Mizoramin dehchhuah a neih a, hnathawh tur a lo pun theih nan thalai theihna leh thiamna nei tha tak takte chawikan an tum a ti.

Pu Lalduhoma hian vawiin khan I&PR Conference Hall-ah Confederation of Indian Industry Centre for Excellence on Employment & Livelihood (CII CEL) leh Mizoram sorkar tangkawp buatsaih Micro & Small Entrepreneurs Excellence Project in Mizoram leh Mizoram Entrepreneurs Development Forum a hawng a.

Thusawiin Chief Minister chuan, Mizoten thiam thil an ngah avangin MSME lamah an hma khua a eng hle a ni, a ti a. Nikumah khan IndiaSkills Competition-ah Mizo thalai eng emaw zat ten lawmman dawng tih sawiin, kuminah pawh Indiaskills NE Championship-ah Mizo thalaite chu a pumpuia chungnung ber an ni tih a sawi bawk. Mahni kutkea din tum te chu an bana kaia dinchhuahtir an duh a, state flagship scheme Handholding hian an tan remchang a siamsak mek a ni a ti.

Chief Minister-in a hawn project pahnihte hi Mizoram MSME neitu, an hnathawhna lama hmasawn zel duh, tunlai thiamna thar ber ber nena intuaihriam duhte tana buatsaih a ni a. Mithiam zawkte nena an mamawh sawihona (Forum) pawh siamsak an ni ang a. Kum khat chung kalpui phawt tur niin, mi 70 te training tura thlan an ni.

<><><>

HOME MINISTER

Home Minister Pu K. Sapdanga chuan vawiin khan Mizo Students Union Gen Hqr din Champha vawi 25-na Aizawl Vanapa Hall-a lawmna a hmanpui a,

Pu K. Sapdanga chuan thusawiin zirlai kal khawmte zirlai quality nei leh a thiam tak tak state in a mamawh hle a ni a ti a. Tun hmaa nu leh pa, pi leh pute kha central service ah a langsar pawl leh hnam ti hmingtha tu, India rama Mizoram ti langsar tu an ni thin a, tunah erawh kum engemaw zat chhunga All India Service-a tling zirlai awm tawh lo chu a veiawm hle a ni a ti a, zirlai kalkhawm te chu theihtawpa tang tur leh nakin lawka tute emaw thutlukna bawhzui tu ni lo a, mahni ram tana thutlukna siamtu ni thei tura tan la thar turin a chah a ni.

(BYTE)

Mizo Students Union hi 2001 a din tan a ni a, Mizo zirlai te tana hamthatna tur hma la tu an ni a, zirna tihmasawn kawngah te, Mizo Nunphung humhalh kawngah te, zirlaite dikna chanvo leh hmasawna kaihnawihha thil awmte sutkian kawngah te a thawk a ni. MSU din champha phak leh kum 25-na hi MSU dinna hmun hrang hrang ah lawm a ni .

<><><>

NE DISCOVERY TOUR

Tourism Department leh Indian Railway Catering and Tourism Corporation ten nikum August thlaa inremna an siam bawhzuiin a vawikhat nan Bharat Gaurav Train, India hmarchhak fang kual lai mek “North East Discovery Tour” chuan Sairang Railway Station vawiin chawhma dar 9 khan a lo thleng a, Tourism Department atangin Rachel Lalrinlui, Deputy Director leh staff ten an lo hmuak a ni. Bharat Gaurav Train Mizoram a lo lut hi tourism tan mellung lian tak niin, Mizoram tourism chawikan nan a pawimawh hle a ni, an ti.

Bharat Gaurav Train hi Agartala, Tripura atangin a lo thleng a, khualzin 81 rawn phurin USA leh Nepal khua leh tui te pawh an tel a, Tourism Department official te chuan lo kalte hi thilpek an lo hlan a ni. Khualzinte hian vawiin khan Aizawl leh a chhehvel an fang kual a, an fante zingah Aizawl Zoological Park, Solomon’s Temple, Mizoram State Museum leh Aizawl Peak te a tel a ni. Zanin dar 7 hian riak lovin Dimapur, Nagaland lam panin an chhuak leh dawn a ni.

An zinkawng hi Delhi atanga tanin tun thla ni 3 khan an rawn chhuak a, Manipur tih loh chu India hmarchhak state zawng zawng an tlawh ang a, ni 18 ah Delhi khawpui an let leh dawn a ni.

Bharat Gaurav Train hi khualzinte tana siam bik niin mi 150 a phur thei a, a chhungah restaurant pahnih leh spa te awmin rel dang nen a inang lo a ni. Kum khatah vawi khat India hmarchhak tan bik Indian Railway Catering and Tourism Corporation hian tour package an siam thin a, a duh apiang tan a tel theih a ni. Train Manager Himangshu Bhatt an Department official te rel a fan kualpui hnuah mikhualte Aizawl lam panin an thlah liam a ni.

<><><>

RS MP

Parliament inkhawm kal mekah vawiin khan Rajya Sabha MP Pu K. Vanlalvena chuan Zero Hour ah thu sawi hun changin, Mizorama kawngpui pawimawh pathum siam thuai a tul thu a sawi.

Hnahthial atanga Myanmar ramri kawng pahnih, Hnahthial-Tarpho-Khawhri-Cherhlun-Thingsai-Bualpui H- Saisihchhuah kawngpui bakah Hnahthial-Tuipui D-Darzo-SouthVanlaiphai-Sangau-Pangkhoa-Saisihchhuah kawngpuite chu National Highway a puang ve ve turin sorkar laipui a ngen a. Kum 2020 ah Myanmar sorkarin Chin State khawpui Hakha atanga India leh Myanmar ramri Saisihchhuah thlenga kawngpui thlur hnih (double lane) an sial zawh tawh thu leh sorkar laipui a Ministry of Commerce and Industry in Saisihchhuahah ramri a insumdawn tawna hmun tenau Border Haat a puang tawh chungin kawngpui-in a la pawh loh thu a sawi chhuak baw a. He kawngpui hi sial tlang a National Highway a puan an nih chuan Act East Policy tihhlawhtlinna atan te, ram venhimna atan te leh Mizorama tribal mipuite ei leh bara hma an sawna atan te a tangkai hle tur thu a sawi a ni.

Pu K.Vanlalvena chuan Sairang Rel chawlhmun hawn thar a nih atangin Aizawl leh Sairang inkar lirthei tlan zat a pun phah nasat thu sawi bawkin, tuna kawngpui awm mek National Highway No. 54 chu a zau tawh tawh loh thu leh a rang thei ang bera thlur li kawngpui siam a tul thu a sawi baw a ni.

<><><>

SUPPLY MINISTER

Supply Minister Pu B. Lalchhanzova chuan kum 2028 ah Aizawl khawpui mi eng emaw zatin Natural Gas Pipeline an hman theih tawh a beisei tih a sawi.

Vawiin khan Sensitization Workshop on City Gas Distribution (CGD) chu ATI Auditorium, MINECO-ah hman a ni a, khuallian Pu B. Lalchhanzova chuan Mizoramah Natural Gas Pipeline tih a nih theih chuan, ram sum leh pai dinhmun hmelmang ti danglam thei tur a nih thu a sawi bawk.

(Byte) : Pu B Lalchhanzova

Minister Pu B Lalchhanzova chuan, Tripura-ah chuan natural gas pipeline hi hlawhtling takin an hmang tawh tih a sawi a, eirawngbawlina chauh ni loin lirthei a hman chi comptess gas pawh an hmang tih sawii, petrol leh diesel liter 1 aiin gas kg1 in lirthei a tlan tir theih a thui zawk tih sawiin a man a tlawm baw a ti a, chu chuan an state sum leh pai dinhmun a ti tha tih a sawi baw a ni.

Khawvel hmasawn zelah natural gas pipeline chu ram changkang ten an hmang nasa tih sawiin, Mizoramah pawh hman a nih chuan state sum leh pai dinhmunah a tha zawnga nghawng nei thei tur a nih thu a sawi baw a ni.

<><><>

RD MINISTER

Rural Development Minister Prof Lalnilawma chuan Anganwadi-a thawkte chu nu-in nau a pai lai atanga nu leh nau enkawltu pawimawh tak an ni a, Mizorama thalai hrisel leh thluak tha tak tak chher chhuaktu an ni a ti.

Minister hian vawiin khan Vaivakawn Cultural Centre-ah Science, Technology and Innovation Hub (STI Hub) Mizoram chuan Aizawl chhunga

Anganwadi-a thawkte tan ei leh in man man zawk, hlu zawk leh hrisel zawk siamchhuak tura thlai leh thei sawngbawl dan zirtirna ‘Hands-on training on value-added food products’ a hmanpui a, Self Help Group (SHG) nuho thil siam quality tha tak takte chu ‘Selhel’ brand hminga hralhchhuah a la nih tur thu sawiin, damlo kan nan leh thilpekah pawh nuho thil siam tha tak tak leh hrisel zawkte kan inpeka, kan ram chhunga market kan siam a pawimawh thu a sawi bawk.

STI Hub Mizoram hi Mizoram University leh Amrita University, Kerala tangkawpin an enkawl a. Programme hrang hrang pali: Digital Literacy & Adolescent Awareness Ambassador (DL&AAA), Ayurveda and Health, Food & Nutrition leh Agro-forestry hnuaiah Aizawl leh Serchhip District huamchhunga tribal-te zirtir leh tihmasawn hna an thawk a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

EDN MINISTER

School Education Minister Dr Vanlalhlana hovin vawiin khan School Education Department Officer ten Review Meeting vawi 7-na MINECO Secretariat Conference Hall-ah neih a ni.

Education Minister chuan school a thawkten Vidya Samiksha Kendra (VSK) a attendance pek that a ngaih thu a sawi a, online-ah hnathawh hi hmuh theihin awm se, a duh apiangin an lo hmu thei dawn a, hnathawh tha lo a veng dawn a ni a ti. Minister chuan VSK hmang hian kan hnathawh theih chin hi nawr san theih a nih thu te, Google map update lote chu an grant dawn turte hmundanga pek leh mai thlenga hmalak a tul thu a sawi bawk.

Thutkhawmah hian hian Zirlaibu thar buatsaih a nih dan te leh zirlaibu thar chu tuna hman lai nen a danglam dawn thu te tarlan a ni a, naupangte chu by heart ringawt lova, chik zawka zirtir dan turte, milem te, drama leh field trip a tam thu te, naupangte chu an tawn hriat hmangte leh zawhna zawt thiam tura chher tum a nih dan te sawi lan a ni a. Class V & VIII ten tun promotion exam atang hian zawhna in ang an chhan dawn thu te leh School 770 ah he zawhna thar hi an exam dawn thu te leh result hi SCERT ah lakkhawm a nih tur thu te sawi a ni.

<><><>

PM

Prime Minister Narendra Modia chuan Unin Finance Minister Nirmala Sitharamanin budget chungchanga a thusawi a fak. Social media lamah Pu Modia hian Pi Sitharamani thusawi video hi tarlangin kumin budget hian ram in eibar zawna kawnga insiamdanglamna a thlen turah a hawl kim hle tih a sawi a. Pu Modia chuan Pi Sitharamani thusawiah khan Reform Express, MSME tihmasawanna, thiamthil zirna, hmasawanna ruhrel changkang leh tha din leh zirna te a tuam kim hle tih a sawi a ni.

Union Finance Minister Nirmala Sitharamani hian nimirn tlai khan Lok Sabha ah Budget sawihonaa zawhnate chhangin sawrkarin ramchhunga hmasawna ruhrel lian din uar leh zual turin na takin a nawr a ti a. Pi Sitharamani chuan inhlawhfate leh MSME lama eizawngte tana hna thar tam zawk siam tur leh ram sum dinhmun tihhmasawna tur an ngai pawimawh zual tih a sawi a. Budget pharh takah khan hmasawna atana sum hman tur cheng vaibelchhe nuai 12 chuang dah anih thu sawiin hei hi ram sum dehchhuah GDP atangin zaa 3.1 lai a ni a ti a. Kum 2025-26 budget revised estimate aain zaa 11.5 in a tam tih a sawi a. Ramchhunga hmasawna ruhrel te tilian turin sawrkarin sum tam tak sen a rel a ni a ti bawk.

<><><>

POWER

Union Minister of State for Power, Shirpad Yesso Naik chuan India chu kawlphehtha mamawh zat tlachham ram atangin mamawh aia tam siamchhuak ah a inlet tawh a ti. Vawiina Lok Sabha-a zawhbelhna chhangin Pu Naik-a chuan Prime Minister Narendra Modia kaihhraina hnuaiah kum 2014 atang khan insiamthatna tam tak a thleng a ti a. Hun reiloteah Electricity Amendment Bill putluh a ni ang a ti a. Hei hian kawlphehtha siamchhuah kawngah nasa zawkin a pui ang a ti bawk.

<><><>